

四庫全書

史部

欽定四庫全書

史部

廣西通志卷一百二十六至四至

詳校官給事中臣鄧文泮

檢討臣德生覆勘

總校官進士臣朱鈴

校對官中書臣葉蘭

謄錄監生臣田琦紳

欽定四庫全書

廣西通志卷一百二十四

藝文

五言排律

發藤州

唐宋之間

朝夕苦遄征孤魂常自驚泛舟依島泊投館聽猿
鳴石髮緣溪蔓林衣拂地輕雲峯刻不似苔壁畫
難成露挹千花氣泉和萬籟聲攀幽紅處歇躋險

綠中行戀結芝蘭砌悲纏松柏瑩丹心江北死白
髮嶺南生魑魅天邊國窮愁海外情勞歌意無限
冷月為誰明

軍師凱旋自邕州順流舟中

李 嶠

鳴鞞入嶂口汎舸歷川湄尚想江陵陣猶疑下瀨
師岸迴帆影疾風逆鼓聲遲萍葉沾蘭葉林花拂
桂旗弓鳴蒼隼落劍動白猿悲芳樹吟羌管幽篁
入楚詞全軍多勝策無戰在明時寄謝山東妙長

纓徒自欺

送張中丞之桂林

錢起

出守救民瘼推賢動聖情紫臺初下詔皂蓋始專
城寵借飛霜簡威加却月營雲衢降五馬桂水引
雙旌夙仰敦詩禮嘗聞偃甲兵戍樓雲外靜訟閣
竹間清化佇還珠美心將片玉貞寇恂朝望重計

日謁承明

膏澤峯

宋陶弼

石壁含天澤南山第一重旱時先出雨陰穴必藏
龍雲影搖諸壑雷聲起半空滲成泉脈大滴出土
膏濃溝洫施仁澤民誰帶戚容何當大滂沛盡活

四方農

華景洞

呂愿中

斯洞名華景纍纍乳石懸虛崖疑月窟絕頂瞰江
湍巖底金仙寺峯頭玉井蓮池形居衆外氣象偉
無前徒杖觀初月歸輿觸暝烟蔽林排翠幄封徑

簇花鉢夾致資清賞鐫題記昔年猿啼聲應谷雲
破月侵筵策蹇追華駟鳴鶻指墮鳶誰人能畫此
為倩老龍眠

仙李洞

劉牧

諫紙空箱後高牙拂斷霓還符翠州夢來見石門
題架竹生新逕誅茆得舊蹊陰崖走別洞陽嶺帶
回溪吟桂人非隱逢花客自迷虛中曾納受絕壁
阻攀躋地遠饒征戍君來息鼓鼙吏閑眠鹿鹿民

樂戲鳬鷺勝事時相遇芳尊手屢攜清風與詩句

留與昔賢齊

游南山

元俞括

二十四峯尖參差列郡南半空摩梵宇絕頂寄僧
龕峭壁編危棧平田聳碧簪巖呈星斗七石湧佛
身三人透龍門上書疑禹穴探銀鉤千軸麗鐘乳
百年甘木杪浮朱閣烟開露草菴仰頭瞻抱樸側
足禮瞿曇洞潔無飛鼠泉深貯嫩藍夕陽歸北郭

回首白雲慙

湘山寺

明孔鏞

遙望湘山寺
林深草木稠
光明無量塔壯觀
佛書樓禪室籠香霧
湘江夢白鷗
流泉分太液飛石出
羅浮菴晦日初斂
風清雨乍收
高松巢病鶴
疎竹喚癡鳩
碑古清苔蝕芸香
老麝游甲亭
舒遠目佳句
繼前修忠耿思
唐介循良仰抑
侯我從天上去

弔古一遲留

過思同州書所見

陳 瓊

思同接左壤過此不勝情舉目稀人迹憑誰問土
名劫灰飛欲盡野鬼哭無聲敗屋簷垂地空囷雀
罷爭苧麻拋舊業修竹撤荒塋嫠婦知何在孤兒
幸此生烟塵方去盜風樹或來兵潛逐麋麋住寂
聞雞犬鳴無辜嗟莫及有識恨難平揮淚西風外
亂階誰構成

中秋日學宮試諸生

顧 璞

宴坐中秋日雲晴灌水陽玉麟橫郭見文筆映波
長隱几饒幽勝登堂總俊良英靈占萃聚神采愛
舒張頗訶遺珠遠誰云古道荒多聞沾柳教妙悟
近周鄉僻壤緣人勝儒紳貴志強嗟予牽世網垂
老覓亡羊

觀玉柱巖作

列炬窺玄府搴裳步紫壇石田雲子白龍井玉漿
寒巨棟垂千尺幽房隱百盤仙靈多幻化造物自

雕刊異境今初闢清遊午未還爛柯如有遇何用
戀塵寰

南浦驛見官押送來降者詣桂林 李夢陽

款壘因王化投荒荷主恩官為供廩餼詔許挈兒
孫瘴雨凋夷服蠻鄉引塞魂分明共日月耐可異
乾坤慘淡顏容變軒昂故性存彎弓望五嶺似欲
遂平吞

至昭潭

林應亮

乍艤昭平棹言登鎮粵臺軍聲諸部肅詔諭百蠻
來建節清烟霧營屯闢草萊戰艘依野泊關鎖逼
晨開水岸千家引山城萬角哀按圖多廢壘覽勝
有荒苔擐甲驚哀病紓籌媿淺才諸生尊俎上今
日效涓涓

崑崙關二十韻

謝少南

仄足崑崙上歸然虎豹雄峯凌萬石出關闢兩崖
通先旭蒸霞紫遲昏閣藹紅地高南逼斗山遠北

連空絕壁含槎古飛巖拂草豐泉聲千尺底樹色
百盤中嶺並驚鳶跕林皆掛狹叢縈紆回鳥道剝
鑿啓鴻濛峻阪防旋馬渟滯忽起虹未能尋隱穴
徒詫祕仙宮越駱標重險交邕掘下風蒼梧虞帝
轍銅柱漢家功瓴建無前敵梯懸失仰攻威儀探
組練氣象表羆熊殘壘傳儂寇潛師憶狄公時平
談往事世久罷屯戎商旅宵無警樵蘇歲有終海
夷從入籠巢鳥不傷弓裔徼藩垣壯中華界限崇

聖朝要服化長願紀文同

梧鎮閱武

張瀚

蒼梧秋獵處細柳漢家營四望千峯障迴瞻百雉
城潦收江岸閣木落曙烟清雲擁旌旗色風喧鼓
角聲虎羆皆振武猺獉亦輸情無術慙三畧膚功
藉五兵投醪非責報授鉞奈專征試把刺犀刃聊
殲鼓浪鯨

疊采巖

曹學佺

雨氣團蒼壁霞光散綵屏暮江沙更白秋壑草偏
青滉漾窺陽海巖堯上越亭洞須窮北牖衣欲動
南星峯接城頭起舟過渡口停叱羊皆化石調鶴
似棲硎乍爾乘軒蓋相從泛醞醞還須息塵累靜
展法王經

七言排律

題蒼梧部

宋陳執中

莫訝南方景物疎為君聊且話蒼梧地傾二面城

池壯江逆三流氣色麤山蓄火光因政出石藏牛
影為仙呼官廳傳自唐丞相民頌思從漢大夫龍
母廟靈神鬼集鰐魚池近介鱗趨朝臺望斷悲歧
路冰井窺頻爽髮膚鱠美不堪全用鯉果珍何忍
命為奴雲歸上國名終遠郡帶諸藩勢未孤銅鼓
聲浮翻霹靂桄榔林靜露真珠溪平花檻饒桃李
彊壓鶯歌盡鷓鴣三足告祥文上載獨峯為盛事
元無封疆自覺隨時廣飲食從分過嶺殊行伍戢

威尊下武兒童知學樂從儒風輕別墅來漁唱人
到閑坊戀酒爐服尚鮮華幾兩蜀市相交易類全
吳營希賢帥偏裁柳扇慕良規各製蒲春聳門闌
多列戟雪從絃管舞雙姝只因談笑評風俗借用
詩謠和袴襦萬里無媒休促蹙數年從宦美斯須
却憂別後牽吟想欲寫幽奇入畫圖

寄都指揮使韓公柳慶征猺

陳璉

韓侯聲譽重雄藩猺獞聞知膽已寒詩禮舊曾歌

卻縠龍泉尚擬斬樓蘭營連邕管烟生竈夜度崑
崙月滿關道路行人傳令肅邊郵黎庶沐恩寬屯
兵曉日明金甲躍馬南薰拂繡鞍克敵一生存遠
畧思親千里報平安閒將景物歸吟幌常見風雲
護將壇報國丹心堅似石平蠻勲業重如山高情
久與梅花共行橐應無薏苡還早晚凱旋笳鼓競
捷書先已到金鑾

追頌山總兵

萬 節

將軍忠耿歿何年勁氣如生在目前垂世直看存
信史圖功豈必是凌烟南荒獨掛征蠻印北闕兼
分薦士權威鎮華夷刑不濫恩施部曲愛無偏除
兇有策寧容後料敵多方肯讓先追給剽遺曾至
萬獲俘頑梗動論千計招流散爭歸業密禁貪婪
畏取錢能使橋楊崇廟祀願扶社稷共安邊

送胡主事犒廣西軍

李夢陽

七年重泛楚江舲五兩飄飄過洞庭諭蜀長鄉元

達節平佗陸賈亦談經地從湘口分吳徼邑在衡
陽對軫星此去先過杜陵院與誰同上合江亭炎
花瘴草供行目猺唱夷歌引客聽鼴鼠晝啼諸洞
黑野猩晴語亂峯青蠻荆本自勤周旅南越終當
繫漢庭荔浦技窮甘金盜梧川兵接詵雷霆威餘
虎豹藜難採血跡鯨鰐水尚腥俄喜御珍頒內帑
極知恩澤到重溟兔臨烏照誰非土陰慘陽舒各
有靈巢屋羽毛春拍拍洗天風雨晝冥冥花明幕

府頻長宴路出磨崖早續銘馬援還朝銷蕙苡馮驩傲世倚青萍蒼蒼百粵悲南狩渺渺三湘弔獨醒夢渚雁回書不滯武陵雲起思俱停悲傷蕙草追金勒點綴桃花惜玉瓶若道朱絃無絕響詎應黃髮有遺形司徒邦計遙憐汝粉署爐香不可扃綵服便須隨彩鷁白頭同離白蘋汀

慶遠郡解集餞七孝廉計偕北上 岳和聲

文廟前蓮塘中故有數峯稱文筆郡諸生以獲戾

太守詭言不利剗去坐是薦南宮者絕響子為移
龍江之石補之而天門山雙峯為馮當世發夢勝
蹟則歸然亡恙也用當勸駕并助秋試

天門舊有雙雙在蓮岳新添箇箇成靈傑一時回
氣色風雲百代見蜚鳴波瀾已許增前輩跋扈須
知動後生春滿瓊林推領袖秋高桂嶺共崢嶸鵬
搏欲怒三千里壁價終償十五城到日聯翩花陌
徧歸時蹀躞柳江迎甘泉自應明庭詔刀布何勞

蜀守情講德與君原不淺莫將溫飽負深盟

五言絕句

送譚八之桂林

唐王昌齡

客心仍在楚江館復臨湘別意猿鳥外天寒桂水

長

峩山

柳宗元

荒山秋日午獨上意悠悠如何望鄉處西北是融

州

題寶積山

元晦

石靜如開鏡山高若聳蓮筍竿抽玉管花蔓綴金

鉢

大理丞梁世基橫州宅生連理荔枝

宋神宗

橫浦江南岸梁家間世賢一株連理木五月荔枝

天

淪漪閣

陶弼

談笑淪漪閣藤花竹葉間易醒江上酒難畫雨中

山

藤江

蘇軾

繫舟藤城下美月譚江濱江月夜夜好雲山朝朝

新

光華亭

秦觀

霞通海天曙月來東山白共是凭欄人誰足當秋

色

潯州寒亭

姚嗣宗

甘邑倦炎酷西巖境獨清人皆有涼意亭遂得寒

名

揭帝塘

張孝祥

山月半池白水風終夜涼蛙聲作鼓吹荷芰製衣

裳

北牖洞

呂愿中

南牕聊寄傲北牖有涼風巖洞幽深處結茅容老

翁

題靜江

陳藻

桂林多洞府疑是館羣仙四野皆平地千峯直上天

桂水五千里二首

元
楊維楨

桂水五千里瀟湘雨氣空衡山七十二望見女英峯

桂水五千里南風大府開象王新貢入鮫女送珠

來

注玉泉

余觀

雲蒸崑山液月浸藍田英臨風嚙沆瀣滿腹珠璣鳴

過蒼梧

明黃福

一棹抵蒼梧西山日欲晡魚羹催僕啜蛇酒入城沽

雲凌班竹

孔鏞

雲凌竹點痕
豈是玉環淚
君不見瀟湘斑斑同一類

採桑化石

桑女徒自傷化作青青石
雲鬟懶不梳長向江邊立

負薪登仙

二子樵都嬌一嘯聞碧落
不意半落梅乃是萬年藥

藥

仙李洞

洞門棲彩霞晚晴朝作雨我欲飽餐之長生能有
幾

全州引路松

以偶來松樹下為韻錄一

魯鐸

國初章太守手澤尚如故道傍十萬松箇箇甘棠
樹

府江舟中四首

急雨翻盆下危難倒海來篙師須戮力虎穴正堪

猜

花底瓊泉落雲中碧樹交祇疑仙所宅誰遣賊為巢

灘從雷劈過膽落骨還驚浪打船牕上真成動地聲

野堡明弓刀風船激笳鼓畏塗不成眠更聽江邊雨

永淳縣

孤城倚江山居然擅清爽瘴鄉眼初明肩輿雨中
上

廣西風土四首

徐問

北風旋頑陰風急便成雨月無三日晴
蝸牛上臺廡

出石不出雲空巖樹根貼未知秋去時春風下黃葉

青草瘴連天夷獠窺斷口盡日不逢人孤軍避還

守

山上結茅廬山下舊溝洫農人不在田猺人且耕植

蒼梧即事

徐 茶

山色連蒼漢江流繞郡城徃來橫渡口強半廣州聲

旌旗沿岸出薏苡逐車來瞿鑠銅船將營荒半草
菜

誅茅臨水面編竹住溪流歌舞春城暮烟花自一

州

舟車頭會少泉貨尾銜歸闕吏無多事看山到夕

暉

一水狂奔馬三江不辨牛寒濤六七月半沒繫龍

洲

扼險開雄鎮當關借重臣幾番貔虎士更戍往還

頻

劉仙巖十詠

錄五

俞安期

升真洞

石闕磬折登仙客，鍊形處北戶。吐烟飈時為上征。

馭

穿雲巖

巖行穿白雲，巖臥藉白雲。到來巖下客，即是雲中君。

凌風臺

凌兢百尺臺近瞰仙靈宅恒慮逐風移人指飛來

石

山鼎閣

三峯列作叢孤閣出其裏奚待燔名香烟華日浮

紫

中天樓

天半綴飛樓應如化宮化每候好居人龍鸞息驂

駕

桂林巖洞雜詠

水月洞

灘山東北如石梁跨江門水出上陽江合灘水南去分貫洞中

洞戶引江流南下清瀾瀾月過影孤沈潛虬抱珠起

雉巖

雉山欲翔巖啟北麓石門屈曲入復數丈出登高

臺灘水當臆

雉舉山形高蛇蟠巖徑曲臨臺見春江百折巖扃

綠

玄風洞

洞腹深廣如橐籥籥然積氣噫風時出其戶當之震
悚豎髮栗肌

深洞貫陰崖寒飈生不絕縣泉石罅垂炎月吹成

雪

冷水巖

石門低壓碧澗中橫直渡飛梁壁竇更下過此虛曠北達棲霞

入門渡石梁穿隘迷石棧深隱豢龍潭橫盤飲虹澗

彈子巖

石壁高削如張幕天中巖扃高下橫開百丈俯眺平野環以遠山

石壁挺蕉堯巖扃覆空闊隱几見平原遙山雨飛
越

龍隱巖

洞跨彈溪藉舟乃入仰矚其上裂石蜿蟺長亘洞
顛若龍去蛻存鱗鬣備具

刺舟穿石行寒風中衣袷石頂蟄龍飛森森桂鱗

甲

龍騰巖

龍隱左上巖類廣堂龍物既騰平廣可坐玉泉下

滴清韻琤琤

神物羽翼成翶翔去雲戶涓涓玉髓泉猶滴龍鬚

雨

月巖

獨水穿透空洞圓明望如月輪起挂山半

穿石映圓輝明明月輪上樹影挂橫斜還如桂枝

長

屏風巖

兩壁瑩潔如琉璃屏鍾乳森然神雕鬼琢

空巖多寒風壁列如屏曲苔石紛倒垂琉璃掩蒼

玉

玩珠巖

巖嵌洑波扃垂石柱室有石紋宛然二龍圓暉如珠適直所向

石柱支巖門珠暉嵌巖室競攫兩蛟龍疑向迴波

出

韶音洞

舜山之麓石穴虛明北牖爰臨清江來繞水石發

響日奏簫韶

石牖次江潭琮琤發靈異水樂諧古音率舞魚龍

至

華景洞

高扉廣廈棟柱交加文綠塗金絢爛驚目

石扇劃烟堂四壁塗青翠葩乳擁華棟翻成佳麗

地

元巖

石闕北嚮陽曜寡臨元井玉池昏莫可測

舍舟南溪南穿巖北山北白石夜微明元井晝深

黑

白龍洞

上高下廣石室邃深凝乳延貫其上若蛻龍骨

曲折叩清寒風雨藏靈窟白石結瑤漿具有龍首
骨

隱山六洞詩

有序

在昔諸洞得水增觀西湖既陸洞壑亦枯往侈名
稱未厭余意既讀常吳二記想其湖池臺榭之盛
蓋不勝陵谷之慨焉

朝陽洞

雲寶玲瓏開石槳涓滴灑晚來含日華垂垂雨猶

下

南華洞

石室山之陽靈泉湛堪挹寒氣動颯然時有薰風
入

夕陽洞

石窟呀然深風出灌烟霧西林返照來涼陰納疎

樹

北牖洞

亂石騁瑰姿陰霞結深翳涼風留醉眠自獎羲皇

世

白雀洞

昔人獻神雀洞名適見取鵠鵠仙鼠飛猶疑下霜

羽

嘉蓮洞

靈洞被嘉稱神膏效其詭倒綴紫芙蓉同心復駢

蕊

舟行自桂林至昭州雜述四首

日出江霧底蒼涼汎江水岸岸人趁墟灘灘漁入

市

大山如鵬騫小山如鷺舞孤峯斜奮頭連峯曲張

羽

怪姿更萬端異形盡羣變紛紛最好山多隸陽朔

縣

三百六十灘懸沫飛如撒晚計晨發初已過一百

八

羅叢巖

陳中

蘋山光映團團樹影重
斷猿啼午夜孤鶴唳秋

風

潯江

劉長吾

秋風黃葉樹夜月白蘋花古渡經行少平郊入望

賒

銅鼓

蘇濬

莫辨雌雄色猶聞風雨聲年年春草綠何處伏波營

六言絕句

寧浦書事

宋秦觀

揮汗讀書不已人皆怪我何求我豈更求榮達日長聊以消憂

魚稻有如淮右溪山宛類江南自是遷臣多病非凡此地烟嵐

南土四時盡熱愁人日夜俱長安得此身作石一

齊忘了家鄉

龍隱巖

方信儒

曾榜武夷九曲何如桂嶺七星水石小容螭舞烟

雲長帶龍腥

灘江口田家

明
張鳴鳳

查臥橫侵汲道崖傾半沒楓潭落日射魚磯上閒

時種豆山南

七言絕句

登逍遙樓

唐宋之間

逍遙樓上望鄉闕
綠水泓澄雲霧間
北去衡陽二千里
無因雁足繫書還

柳州署中作

柳宗元

南州溽暑醉如酒
憑几獨眠開北牖
日午睡覺無餘聲
山童隔竹敲茶臼

柳州二月榕樹落盡偶題

宦情羈思共悽淒春半如秋意轉迷山城遇雨百
花盡榕葉滿庭鶯亂啼

柳州寄京中親故

林邑山連瘴海秋牂牁水向郡前流勞君遠問龍
城地正北三千到錦州

蠻中

張籍

銅柱南邊毒草春行人幾日到金麟玉環穿耳誰
家女自抱琵琶迎海神

瘴水蠻江入洞流
人家多住竹山頭
青山海上無城郭
惟見松排出象州

獨秀山

張固

孤峯不與衆山儔
直入青雲勢未休
會得乾坤融結意
擎天一柱在南州

桂州口號

戎昱

畫角三聲動客愁
曉霜如雪覆江樓
誰道桂林風景暖
到來重著阜貂裘

留別南溪

李渤

長嘆春泉去不回我今此去更難來欲知別後留
情處手種巖花次第開

寄陽朔友人

曹鄴

桂林雖產千株桂未解當天影日開我到月中收
得種為君移向故園栽

廣福巖

天地以來自融結方廣高深無丈尺書言不盡畫

難成留與人間作奇特

東洲

江城隔水是東洲渾是金鼈水上浮萬頃鰭波分

瀉去一洲千古砥中流

過嚴關有感

宋李師中

四年嶺外得生還自顧無功但愧顏欲識君恩至
深處嚴關便是玉門關

寒山

余 靖

空翠紛紛冷不流
密雲長是護靈湫
山神鞭起龍行雨
散作炎州六月秋

題順應廟

陶弼

白崖山下古松青
暫捲牙旗謁廟靈
見說崑崙關北畔
曾將草木作人形

鬱林鼓角樓

去歲同登畫角城
諸蠻未滅夜談兵
五更將吏知人意
吹作梅花塞外聲

寄鬱林郡守

越裳濟海喜天晴五葉戈船不渡兵堯舜遠方皆

樂國漢唐諸將本書生

柑子堂

子厚才名甲有唐謫官分得荔支鄉羅池水盡黃
柑死獨有空碑在畫堂

暢巖

姚嗣宗

寒谷長留九秋氣暢巖別是一壺天清風不斷名

猶在還繼宣尼出聖賢

譚江即事

黃庭堅

閉門覓句陳無已對客揮毫秦少游二子不知溫
飽味西風吹淚古藤州

滑石泉

鄒浩

馬頭今日度嚴關十九年前去不還惟有流泉聲
似舊憑闌重聽響潺潺

平樂來仙閣

仙宮嶺下來仙閣太守更名為我來來既有時歸
有日飄然從此御風回

修仁茶

嶺南州縣接湖南處處烹煎極口談北苑春芽雖
絕品不能消鬲禦烟嵐

道陽朔山水尤奇絕舊傳為天下第一非虛語也

因賦

李 綱

溪山此地獲佳名雨洗烟嵐分外青却恨征鞍太

匆遽無因一上萬雲亭

過北流縣八里遊勾漏觀

百里仙山氣象雄參差峯岫翠成叢雲駢鶴馭今
何處丹竈依然洞穴中

甑山

郭祥正

賀州城西丹甑山一亭遙插紫雲間龍墀讓策名
猶在鶴馭臨風去不還

古秦城

曹輔

海窮山盡尚南征
髀肉銷殘只自驚
回首長安八千里
此中那得有秦城

伏波巖

宗道傳

銅柱威聲凜百蠻
肯貪稻載溷溪山
無人為起文淵問
端的珠環薏苡還

避地潯州

曾幾

雞犬圖書同一舸
老夫盪槳兒扶柂
潯江一繫欲生根
夢下湖南向江左

滑石泉

胡舜陟

奔走塵沙五十程
泉聲今夜響泠泠
明朝畫鼓催征騎
不使行人仔細聽

韓廷玉築亭於官舍旁予題其扁曰梅雪蓋取少陵詩語而劉貢父送劉長官掌廣西機宜嘗用此事有雪片梅花五嶺春之句今廷玉適為此官於以名亭抑其宜也亭邊花木多吾弟定叟舊植故

及之

張栻

城陰一徑自深窺
花木成行菊遠籬
細說當時經始事
夢回春草費相思

立春日禊亭偶成

律回歲晚冰霜少
春到人間草木知
便覺眼前生意滿
東風吹水綠差差

月巖

吳 僮

題詩山寺不勝多
人力爭如造物何
安得短蓬巖下瀨
長看清影照寒波

次桂州

孫覲

過嶺逢人問象州瘴烟如海蹴天浮三間逐客何
時到八桂宜人且少休

喜雪示桂人

范成大

臘雪同雲嶺外稀南人北客盡冬衣從今老杜詩
猶信梅片飛時雪也飛

羅江

嶺北初程分外貪驚心猶自怯晴嵐如何花木湘

江上也有黃茅似嶺南

甘棠驛

萬里三年醉嶺梅東風刮地馬頭迴心勞政拙無遺愛慚向甘棠驛裏來

嚴關

或謂之炎關桂人守險處朔雪多不入關
內外風氣迥殊人以為南北之限也

回看瘴嶺已無憂尚有嚴關限北州裏飯長歌關外去車如飛電馬如流

冬日融州絕句

陳藻

四隻漁船叩板門
幾家茅屋長兒孫
天寒水淺江成路
地僻人稀郭賽村

過桂平

嶺南大半尚鴻荒
城壁空堅草莽長
忽到潯州江上飲
喜他風物近吾鄉

謁羅池廟

友人余子畏嘗以詩戲余尾聯云我合焚香夜深
坐等君頭白柳州來後余有東寧之後過柳州界

謂前詩應於此矣及泛江東還謁羅池廟乃知行
止前定

平生不作羅池夢今日還來謁柳祠忽憶故人曾
得句鬼神先我七年知

秦城

劉克莊

缺甓殘磚無處尋當年築此慮尤深君王自向沙
丘死何必區區戍桂林

題霞溪驛

一溪春水美晴沙蕩漾輕風舞落花此去桃源知
有路夕陽西下半天霞

榕溪閣

山谷南遷
維舟榕下

榕聲竹影一溪風遷客曾來繫短蓬我與竹君俱
晚出兩榕猶及識涪翁

鬱林郡城

廖德明

荒烟漠漠雙江上往事悠悠古戍孤春到偏臨青
草渡夢中猶記白鷗湖

九龍山

張自明

輕陰漠漠曉春天草路鋪茵柳似檀閑訪龍君話
行色雲平深洞水平川

筆山

陶 崇

晚來設色霞成綺秋至回文雁作行借問墨池何
處是一江環遶漱琳瑯

依綠亭

陳 峴

修林平沼久荒埃招領春風一笑回淨埽莓苔分

徑岸賸添桃李結亭臺

尋州行部

曹亨伯

冬來行部駕輶車
一日之間氣候殊
朝服駝裘暮揮扇
未應嵐嶂得全無

遊龍隱巖

張叔信

幾年鱗甲蟄清淵
一旦飛騰石自穿
遺迹漫存離舊隱
定應衝雨去朝天

橫浦

徐安國

暑風披拂瘴煙收獨倚危樓豁遠眸萬疊山圍城
堞古一灣江抱海槎浮

全州出郊

朱子恭

水滿牛耕犢後隨早田大半已翻犁趁時浸穀清
明近次第秧針綠又齊

經年阡陌日遲遲桑柘纔方吐綠枝只為峭寒交
節晚村家却是拂蠶時

招義驛

霜林紅葉襯桐花路轉崖根百尺斜
霧日斷雲成徙倚湘南秋盡未還家

過全州

陶金

南北東西幾萬峯郡城如在畫圖中
何人裁斷湘妃竹半蘸秋江作釣筒

自合浦還清湘寄虛中弟

陳了翁

瘴海只將梅作雪湘山今見麥為春
晴空有月當如舊嶺北山南總照人

橫浦

賈成之

橫槎三月江如束風浪縈紆接天綠郡樓新創插

雲飛盡日江山對雙目

題靈鷲山石壁

無名氏

跨鶴曾來不記年洞中流水碧依然紫簫吹徹無
人問萬里西風月滿天

堯山

元呂思誠

堯山絕秀嶺南天雪壓林嵐風飄素烟高倚暮雲屏

掩翠半消晴日玉開田

平樂政平樓

灘江江上古昭州一帶孤城有此樓雲護山容簷外立月將波影檻前流

過鬼門關

額爾吉納

雷陽任滿鬱林還過了千山及萬山但願人心平似水不須惆悵鬼門關

盤石山

陳孚

懸崖千仞鐵崔嵬勢似飛蚪卷海來我見只疑山
欲躍馬蹄不敢蹴青苔

自永福縣過八十里山

下山如井上如梯亂石嵯峨割馬蹄正是行人行
不得鷓鴣更在隔林啼

過牂牁江

青草風吹毒霧腥交州何在海溟溟牂牁已恨天
涯遠又過牂牁十二程

思明州五首

風吹蠻雨滴芭蕉杵臼敲殘夜寂寥習得孤燈牀

榻畔思明州裏過元宵

手捧櫳榔染蛤灰嵩中婦女趁墟來蓬頭赤腳無

鉛粉只有風吹錦帶開

鹿酒香濃犬彘肥黃茅岡上紙錢飛一聲鼓絕長

鎗立又是蠻巫祭鬼歸

毒蟲含弩滿汀沙荒草深眠十丈蛇遙望天邊紅

似火瘴雲飛落木棉花

刺竹叢叢苦筍生山禽無數不知名元宵已似春
深後龍眼花開蛤蚧鳴

廣西即事

傅若金

南鎮干戈日夜陳西山寇盜出猶頻荒村百里無
烟火聞道官軍更殺人

比歲供輸不自聊祇今氣祲未全銷陳前將士須
殊死莫倚功多氣轉驕

呂公巖

梁遺

松涵雲景竹生烟
松竹深藏小洞天
讀罷黃庭觀
鶴舞更於何處覓神仙

遊中隱山

郭思誠

訪隱尋幽緩著鞭
梅花初試小春天
孤峯上下分
三洞一水縈紆溉萬田

遊湘山寺

明嚴震直

一帶山巒聳碧霄
梵王宮殿壓重鼈
我來試踏烟

霞境滿耳松聲響翠濤

全州遣興

兩岸青山列翠屏竹篙輕擊浪花生雖然灘險渾無懼却愛波光徹底清

觀音峯洞

疊翠巖中宿霧收巍巍遺像瞰江流東州亦有潮音洞小白花開滿地秋

築興安堤

塘陡經營築版初皇恩旁沛海南隅民田自此多沾溉安享豐年樂有餘

蒼梧舜廟

大舜南巡竟不還至今遺廟落空山南薰亭上琴中意都在蠻烟瘴雨間

至容州將赴北流聞陸川道梗

劉崧

都嶠山前望北流丹砂勾漏若為求陸川更在浮雲外落日旌旗生遠愁

粉壁道中

樹杪高崖盡插天巖腰墜石半侵田火燒山木斷
平路騎馬亂行江水邊

龍州十首

錄六

林弼

龍州入夏多風雨山路無時一尺泥今日開門喜
晴霽洞雲片片度前溪

山蕉木柰野葡萄佛指香圓人面桃更有波羅甜
似蜜冰盤初薦尺餘高

嵩丁嵩婦皆高髻白紵裁衫青布裙客至柴門共
深揖一時男女竟誰分

近水刺桐知驛舍倚山毛竹即人家趁墟野婦沽
甜酒候客溪童進辣茶

架巖鑿壁作巢居隱約松雲碧樹疎水規枝枝橫
檻似禾囷箇箇小亭如

林塘幽窈隔桑村風磴崎嶇接石門雨過茅茨忘

赤日雲深篁桂易黃昏

登月江樓

仙人槎
浦也

王偁

朝來一上月江樓江雨長涵潭水流望斷釣槎人

已遠青山點點是邕州

過全州

解縉

陶生巖畔草青青唐介墳前江水聲兩岸鷓鴣啼
不盡畫船撻鼓到全城

青湘書院何年起共說湘川柳仲塗想見皋比絃

誦處雲迷山鳥自相呼

過清湘

自到靈川日日晴客懷清夢繞神京
興安渠下斗初浚一夜雨來新水生

桂林大墟

大墟江上蘆田寺百尺清潭萬竹圍
柳店積薪晨爨後獵人荷葉裹鹽歸

龍州

波羅密樹滿城闉銅鼓聲喧夜賽神
黃帽葛衣虛

市客青裙錦帶治遊人

廣源江水綠於苔繚繞龍州學宇回惟見七源江
水濁常時風雨徹天來

師入桂林屢捷志喜成化元年九月

韓雍

旌旗纔指桂林途五發偏師五獻俘從此皇威清
嶺海不勞民吏望來蘇

桂江舟行見各山畬田廣開蠻夷殘孽持兵供役
夾道拜迎喜而有作

蠻夷流刦幾經年飽食何嘗肯力田今日自知勤
檣事畬田處處滿山顛

夾江山獠數年前日夜藏蹤截過船今仗皇威已
心服持兵供役滿江邊

凱歌

丘 濬

紅日中天萬國明戴盆魑魅尚偷生神機睿略如
天運一怒能教嶺嶠平

三軍奮勇氣橫秋石裂烟消水不流一夜山靈驚

失險回頭不見九層樓

萬山蟲蟲石層層千仞穹崖百尺藤朝野傳聞總驚訝將軍直是解飛騰

捷音曉日奏龍墀聖主當軒亦解頤借問古人誰得似漢家充國宋家琦

今日軍中又一韓功成只在笑談間由來名下無虛士從此威聲振百蠻

水陸舟車處處通三軍飽食不妨農相逢盡道兵

威壯誰識蕭何轉運功

十年坐待虺成蛇骨滿空山草滿家一陣凱風吹
地動荆榛轉眼即桑麻

千載蘄巖一旦平山無瘴厲鬼無靈記功片石那
能盡兩廣蒼生口似銘

凱歌二首

夏時正

捷報時時奏羽書烝民戰後樂耕漁萬方和會歸

王會不復通言用象胥

貔虎桓桓千萬兵風霆震蕩不留行一時埽盡千
山瘴更借甘霖為洗兵

烏江

張瑄

山東平川小路斜不成村落兩三家分明畫出桃
源景只欠溪流泛落花

凱歌

山無豺虎道無蛇猺獙相參百姓家昔日高原皆
灌莽如今多半藝桑麻

寓冰井寺

桑 悅

郡南數里有蘇山
坡老當年暫往還
此地山名宜屬我
漫亭曾寄一春閒

柳州大水

十日十夜雨不休
龍城水欲女牆流
東市撐船過西市
不知撞破幾烟樓

謁劉賢良廟

制策通篇忤貴臣
危言出口已忘身
當時得意真

螢燭星斗名懸下第人

玉融郊行

亂山蒼翠野人家小雨絲絲潤杏花誰似東君最
公道遠分春色到天涯

劉仙巖

孔鏞

古洞門深百尺寬石巖題詠暗苔斑細尋仙子燒
丹處池滿流泉浸月寒

鬪雞山

巧石如雞欲鬪時昂冠相距水東西紅羅纏頸何
曾見老殺青山不敢啼

桂林諸葛亭

寶積山巔諸葛亭澄清百粵仗威靈登臨一笑天
風至吹散狼烟萬里清

平南曲六首贈中丞秦公

孟洋

黃昏烽火動邊疆一夜猛兒滿桂陽勁弩長標當
虎穴垂髫赤脚繞羊腸

中丞仗鉞出湘關虎將雄師指顧間籌策早從帷
幄定旌旗不待羽書還

江夜虹霓拂劍鋒蠻天霜雪淨軍容蛟螭遠走三
湘去瘴癘全消五蓋峯

伐鼓鳴金唱海歌夷方從此息干戈且看銅柱高
千尺不是當年馬伏波

金鼓傳呼賜錦袍漢庭今喜得蕭曹即知生象開
麟閣已見恩波浴鳳毛

江草霏霏江水流青萍不用買黃牛桃榔樹下聞
樵語天子今無南顧憂

分水嶺

魯鐸

一道源泉却兩支右為湘水左為灘誰知萬里分流去到海還應有會時

陽朔道中

府江憂賊復驚灘十日真成行路難一笑開蓬望

陽朔緣江況得好山看

夾岸青山映碧灘
灘清山好畫應難
斜陽盤礴掀蓬坐
目駭神驚不盡看

入南交關

寒雨黃昏漸有聲
停驂坡壘欲三更
使臣分得天瓢水
一洗南交瘴癘清

興安縣

嚴嵩

興安城郭枕高丘
湘灘水分南北流
萬里橋頭風雪暮
不知何地望神州

城西有萬里橋昔人以京師至此萬里因名

破屋古松喧夕籟遠峯寒露起層陰梅花兩岸湘
灘水歲晚相隨到桂林

華山

顧璘

衆壑行雲遞有無灌江清影照人孤題詩寄向王
摩詰乞寫華山對面圖

湘南二月大雪戲作春雪歌

桂嶺長年冬鬱蒸湘江今歲積春冰北人飲酒歌

黃竹愁殺桃花與葛藤

繞郭千峯玉作臺連林素纈盡粧梅同誰跨馬腰

弓箭山口盤旋射鹿來

夢中絕句

王守仁

此予十五歲時夢中所作今拜伏波祠宛如夢中
茲行殆有不偶然者因識其事於此

捲甲歸來馬伏波早年兵法鬢毛皤雲埋銅柱雷
轟折六字題詩尚不磨

沙田春雨

鄭善夫

東風吹雨偏山溪林外催耕不住啼豐歉在天勤
在我禳田何用費豚蹄

石井寒泉

何年神斧斲青冥石骨流來一派清不為行人濟
炎渴千秋巢許亦虛名

答毛東塘

夏言

瘴雨蠻烟萬里開海邦民物覩春臺不須更立分
茆柱重譯今看入貢來

贈陳思慎守上思州

鳳凰山勢入龍州曲曲明江繞郡流莫聽啼猿驚
絕域伏波銅柱壯千秋

過橫州弔秦少游

湛若水

南洲咫尺水盈盈水遶南洲洲遶城試問海棠香
不斷城南城下弔先生

謁韓襄毅祠

潘恩

韓祠突兀江之干江風濶濶江水寒漫采蘋香薦

幽思恍如紛乘翔雲端

初至蒼梧

程文德

蒼梧自合棲丹鳳
凡鳥何緣亦此來
回首五雲天

正北校書曾上鳳凰臺

府江雜咏

謝少南

石灘激浪殷成雷
輕舸飄飄曲折開
水樓達舍橫矛立
山崗猛人負弩回

冬炎卉木未蕭條
暫倚蓬牕旅況銷
樹架綠垂君

子蔓崖林紅破美人蕉

隘口分弓號擺灘領班人戴白鷗冠莫言南徼無

冰雪映日戈明水帳寒

落日官軍舉號齊碉戈畫盾障山谿不嫌銅斗通

宵擊却厭斑雞半嶺啼

堪驚節候與時違短晷猶能駐暖暉臘月菜花爭

自發冬天江燕亦羣飛

書山棗驛

錢 薦

粵嶠相迎接楚山盤雲無際萬松間鶴聲嚙嚙翔
空外總在乾坤心自閒

題伏波廟壁

翁溥

功成士死萬艘沈貝錦誰明薏苡心千載南中舊
時笛至今猶怨武溪深

蠻中

陳贊

蠻溪雨過葉皆流落日猩猩啼樹頭高竹亂藤茆
屋小不知村落屬何州

訪客啜檳榔

董傳策

急脚蠻奴髻半斜客來提榼手雙叉

檳榔擎出班

爛片灰白萋青當獻茶

邕人以青萋葉白灰和檳榔啜之客至盛榼以獻謂

茶之代

寄橄欖

波斯薦翠味回甘嶺樹秋高拂瘴嵐記得吳都曾

有賦密緘錫甌到江南

邕
橄欖最佳名波斯種法用錫甌包之雖寄遠不損

啜荔枝

南風醺落出牆枝丹渥羅囊玉露披博得風流瘦
吟骨蘇郎曾寫黑猿詩

人面子

翠裏團囊顏帶酡箇中甘味夾酸渦只緣人面看
來好支膝秋風却睡魔

釣魚臺

梁允瑤

四尺長竿十尺絲石潭深處白魚肥炎荒不到春
山雪謾著羊裘坐釣磯

大廟峽

梁允玳

羣山聳翠鎖中流古廟陰陰古木秋可是地靈關
福澤香烟潭影日悠悠

上石西州

吳爾施

黃茅為宇竹為門斗米肩豚濁酒尊欲向此中停
信宿俄傳交趾掠前村

幾處人烟覆短牆山多未許牧牛羊頽祠蔓草無
香火惟見殘碑枕夕陽

初出灘江

俞安期

桂楫輕舟下粵關誰言嶺外客行艱高眠翻愛灘
江路枕底濤聲枕上山

水月洞吟

蘇濬

雲門忽散芙蓉色疊嶂凌烟天咫尺流澌隱隱青
黛光一樽獨對水天碧

蒼梧君子亭漫詠

秋聲何處急悲笳一曲歌殘遍落霞獨坐長亭聽

不盡滿天風雨滴黃花

張義姑

葉向高

樓船十萬赴南征一夕星沈漢將營見說遺孤三尺在幾人殉節似程嬰

桃李深閨正及時長教公子怨佳期誰言俠骨非紅粉辛苦如存趙氏兒

夜雨寒燈自縕纏空留一線答勞劬只今形管新襯在千載人間說義姑

紅顏何處掩芳魂朱紱於今重將門猶憶當年淒絕處蕭蕭風雨泣王孫

恩州午火

湯顯祖

逐客恩州一飯沾伏波盤筭見纖纖炎風不遣春銷盡二月桃花絳雪鹽

送袁生謁南寧郡

白髮孤遊銅柱西瘴來江影似虹霓千山落月無人語榕樹蕭蕭倒挂啼

府江紀事

管大勲

雷霹灘前鼙鼓喧
柳營岡畔角聲繁
維丹烟雨更殘夜
忽聽從軍樂可言

一番時雨洗金戈
雪浪風濤殺氣多
窮島逋夷驚膽落
滿江舟子唱蠻歌

鬱林道中

陳鴻

茫茫新水拍沙堤
四月應無杜宇啼
記得驛程來日路
五千餘里鬱林西

題廉石

楊于陛

炎荒之地有寒山更有陸公一片石朝夕往還惟
丈親米顛下拜我尤癖

題寒山

寒山一脉遶南流絕頂源頭有洞湫五月却銷炎
火熱可能三伏是三秋

廣西通志卷一百二十四

欽定四庫全書

廣西通志卷一百二十五

藝文

國朝

五言古詩

遊礪巖

曹雲路

桂山多突兀乃在湘之滸湘嶺翠如攢茲巖獨奇
古咄哉造物靈幻作崆峒府丹崖巒高閣綠嶂穴

幽戶不假五丁鑿奚倩媧皇補中有琅玕髓疑成
冰雪乳玉粒糝瓊田青蓮桂碧宇金光晃舍利寶
氣騰瑤圃盤均蟄蛟螭爭獰怒犀虎魚披貼壁鱗
鳳梳棲谷羽或堆防風骨或簇肅慎弩廉劙森劍
戟鎮潤折圭組倒者懸鐘磬側者欹鎔釜空嵌饒
神力鏃削笑鬼斧氣氤隱藥竈錯落橫棋譜何年
遺仙蛻誰代布佛武風湧暑生寒溜滴晴亦雨雲
雷恒屯復日月爭吞吐有時瀑布飛澎湃轟鉦鼓

有時晶簾瀉夏擊鳴球
琥我來秉燭遊心神獨踽
踽欲探驪龍珠莫覩騎羊豎
劃然舒長嘯山魅潛呼舞
平生耽邱壑殊覺紅塵苦
把酒約山靈爾我相賓主

盤石寒泉

謝良琦

去郭五里耳烟霞自此深
石勢何突兀巖峩何幽
嶽下有寒泉流上有丹桂
林桂香澹秋色泉冷清
人心朝暮看雲霧往來愁
登臨傳聞古桃源雞犬

猶至今余生負邱壑相望獨長吟何時卧山樊解

衣彈鳴琴

苗子謠

李文或

懷山苗子言有鬼棲山下向民借大罟魚獸斃長
夜時聞嗾犬聲遺肉酬所借倘如觸彼威園梨盡
摧謝更罹疫與災人畜皆遭射屠豬並宰牛賽神
冀其赦吾為苗子計遷居止其嚇苗子復我告前
歲遷老啞地名在容懷二縣界為諸苗所居之處佃彼縣人田稱盡

租禾價所剩難療饑男子為乞化女子准為婢吞
聲不敢咤嫁端誣之官官府誰知詐差人如乳虎
索食裂眦罵須臾鎖上頸連累及鄰舍望中阡陌
田盡是豪家霸永代皆如此流毒何年罷忍死在
茲山山鬼君休訝瑣瑣苗子言述之令人怕

輓謝烈婦

趙瑞晉

人生事庶恥女子稱謝氏謝氏未死前婉嫋端素
履無何變故來良人失所恃羣盜集如毛逼勒無

餘技詎知金石堅百折不一靡轟轟罵賊聲如雷
之貫耳傷哉秉坤貞從容拌一死譬則南陽花能
拒風霜裏譬則嶧山桐只許棲鸞趾譬則泰嶽松
歲寒見彼美浩氣塞乾坤撐持賴有此往往巾帽
流直徹綱常理端居閱古今寸心深仰止

宴石巖三烈女

王 權

巍巍宴石山翹翹三女烈姊妹矢同心同心同皎
月羣盜恣披猖堅白遇磨涅畢命千丈崖正氣殊

凜冽環珮無歸魂留此名不滅化作三秀芝流芳
在巖石居然女士傑詎同草木滅林下有清風鬚
眉愧名節

蒼梧署中喜雨作

金 粟

昔遊粵西東年年厭春雨今來歌羅城已隔廿年
所亢陽竟三月處處皆焦土東作不得興農家愁
且苦前日抒情詞紛紛憇官府昨乃擬祈請下令
禁屠酤彼蒼默感悟一時驅魃女不求霖自至好

生德何溥四郊盡霑足萬民競鼓舞我意亦欣然

長謠謝龍母

鴛鴦井

粵俗水之不成溝
瀆者通謂之井

陳鼎恒

我行古道旁愛此泉百斛四圍草色青繚繞一痕
玉忘饑冷相對清可映心曲江湖苦旱澇此井無
盈縮隔隴常涓涓挹注隨所欲下有相思石兒童
荷鋤斲瑣碎泥塗中雄雌自相逐泉為灌溉利石
以娛美畜風流媿嫁名泉聲滋詈辱嗟汝誠細流

淡蕩四時足餘波及千頃禾黍秋風熟功成付不
言人亦不汝錄偶然孕斯石泛作雙鴛目寄聲謝
皮相吾其矢勿告

粵西舊無育嬰堂創建告成有作 陳元龍

聖治重仁育保民如保赤矧茲真赤子能不加愛惜粵
土多遺嬰戶口不增籍匪厥父母忍其故在貧瘠
有力能活之無乃長吏責七星巖之陽夷曠地多
隙捐貲構廈屋可貯兒數百保姆有衣糧醫藥有

儲積襁褓分縱橫背負兼臂掖始或啼呱呱繼乃笑啞啞一堂皆陽春生氣蓋牀席豫知廿年後繁庶倍往昔創舉不避勤垂遠有成格作詩告來者母視為陳迹

新建阜成書院

粵俗頗樸古臺榭無遊觀棲霞奇絕處蔓草荒烟寒何不設戶牖貯此名勝看迺相向背宜迺措竹石安藩籬借白雲橋梁就清湍有堂曰永譽有亭

曰擬蘭有圃可習射有舫可垂竿有廡可觴咏有
室可眠餐羅列几案物無一非峯巒僚佐此講肄
士民此盤桓幸際

聖人世浩浩天宇寬俗阜而化成上下同一歡招提况
接武雨花撲闌干數椽絕壁下萬古青巒屹

獨秀山在城之中高數十尋四面如削余鼓勇循
級而上登其絕頂

坤維奠五嶽石根蟠南荒八桂峰若筍茲山為之

綱一柱撐青天四壁儼削方皴痕埽蒼蔚黛色堆
青蒼我來蒞西粵乍見心目張悅如冠珮人為國
守濠湟乘暇以命駕徘徊山之陽峭豎絕梯級上
山如上牆奮勇陟巖椒磴狹屐齒妨回顧笑僚屬
流汗如流漿俛視郭内外物象何昌昌和風拂煑
烟繡畦羅稻梁居氓紛熙熙不知為瘴鄉羣峰萬
里來趨拱於四旁峩峩獨屹立千仞遙相當
聖化洽遐徼山川皆呈祥茲遊信非偶北望達廟廊為

傳山林意播此陽春光

龍隱洞

看山如觀畫遊山如讀史桂州巖穴奇石刻窮秘
詭豈惟考歲月直可補載紀龍隱一拳石聳倚江
之趾筇屐久已荒虛竇滴古水宋人題識徧鮮花
蝕成瘡中有元祐碑所謂黨人是低徊駐遊驂循
環讀終始起自溫與潞訖王化臣止三百有九人
一一皆君子宋史或未詳茲焉炳名氏摩崖故不

朽光燄射灘水諸公千載靈呵護洞門裏遂使小
邱壑重與嵩岱比流連不能去落日促旋軌

宣成書院課士

李紱

賢才國根本得之國乃昌經訓士苗禽教成治益

光

朝廷正有道舉孝興賢良聲教周四際安得遺遐方
矧茲古西粵經學漢濫觴陳氏有家傳上書言丘
明_叶芒遂令左氏傳鼎立於膠庠霸才震士寢詩學

鳴曹唐制科宋所重大魁先馮王有明尤挺出朝士多軒昂文定得啓沃清惠才明將鶴樓抗風節凜凜嚴風霜爭衡於上國峩峩莫與京姜流風百餘年山高水猶長菲薄忝遭逢持節來炎荒願與諸士約講學興文章藝苑共馳驟德固同翶翔上以應

景運休徵來麟凰下以致美俗舊染回伶狼庶幾軫翼南奎璧同光芒往聞常觀察風氣開閩疆又聞

韓昌黎文學興潮陽望古一遙集盛事其可忘教化如有成百世同芬芳

登獨秀峰返憇讀書巖下

金虞

巍巍玉筍班獨秀如卓筆其高六十尋而袤五之一秀色殊可餐陡峻故無匹今辰鼓游興拉伴鬪輕疾盤盤三百磴一一透空出巋然北極宮元都尊輔弼敗壁留鐘鏞壞像雜臻秘旁有兩茆亭位置頗閒逸凭闌舒遠眺恰值斗杓七桂林古都會

萬戶見墉櫛襟帶水迴環劍鋩山翠律勝概羅心

胸塵聚等蠟蟲指點卧龍臺風烟亦蕭瑟長嘯歸

去來下視真股栗光搖雲棧雲步窘漆城漆却訪
讀書巖清風吹石室流連五君詠微尚猶可述千

秋獨秀峯得此更超軼况當人文會

巖下即貢院

汲古

賴脩繡誰磨一片雲演孔刮老佛

昌黎句

題玉融真仙巖重刻元祐黨籍碑後

嶺西古荒輿流人所安宅元祐諸鉅公強半此中

謫鄒范餘清芬秦黃鎖英魄至今溪峴邊杖履猶
可接名在千古心不在一片石我登真仙巖忽值
打碑客貽我蟬翅雙端然具趺額其書較道整其
製稍褊窄上列元長序謫語變黑白下云建炎初
國運鼎新革重惜碑版湮懸購如拱璧吳興有後
賢來此作邦伯磨崖闡前光一一更剗劙茲事亦
可傳厥志無乃辟石闕生口中何取自標揭況觀
黨籍名流品未綜核若火焚昆岡玉石併罹厄附

驥安足榮添蛇復何益自昔玄黃戰君子與有責
洛蜀方斷斷僉壬抵其隙歐陽朋黨論

聖代所必斥大公良獨難中立匪長策龍德不成名鴻
儀遠彈射縱有蟠螭碑不直腐鼠嚇仰見玉融峯
萬仞同一碧

桂山

金志章原名士奇

一峯拔地起衆峯悉天參桂山萬古奇詭麗雄西
南有如千髻螺亂插碧玉簪復如矗萬筍歷歷蒼

苞含矜莊如端冕執玉朝子男森巖如列衛陸櫛
周戈鎔綈如波斯胡騎獸行驂驃醜如宿瘤女甕
項愁容愁或張如屏風或覆如冕旒或彎如象鼻
或僵如眠蠶如星斗錯落如水月空涵如賓主拱
揖如壯夫負擔怒如虎牙鋸蜿如驪珠探企如威
鳳舉濤如奇雲曇堂堂列如陣葉葉欹如帆峙者
墉屹屹均者居潭潭雙尖卓文筆兩鬢齊劍鐸疊
綵錯綺繡散花依憇龕日賞難徧給態狀聊能詣

獨秀稱雄尊諸山次嶽崕伏波岌爭長顧盼殊耽
耽孤撐絕附麗特立真無慙仙靈所窟宅往往開
名菴瀛江繞其間曲折拖晴藍千尋嫋篁竹十圍
蔭松楠天籟一以發萬壑笙鐘酣我生癖山水嗜
好如饑貪腰佩豁落圖手攜青琅函齋心遠到此
遊侶偕兩三攫身入空翠長嘯穿層嵐捫蘿竭登
頓濟勝吾能堪心胸得開拓險怪窮幽覃搜奇亦
云富肥遯殊所甘歸來對鄉黨侈作譚天譚

過黃牛諸灘

方秋白

霧景射迴巒林壑如初沐松間滴蒼翠倒漾波光
綠挂席泝前浦涼吹逼巾幅恣情一以眺山水自
相屬榜人理舟具努力飯山麓駕言涉重灘百疊
歸煩僕直行一里遙漸覺寒濤促寥廓變寒號崩
騰醒耳目石峭列齒牙齦齶勢相觸一步一紓迥
一篙一相續篙與石爭持石併舟相逐左轉而右
旋上弦而下曲有如驅八駿偃蹇難縛束檣絲牽

百丈愈進氣愈跼黃河混渺茫倒流橫地軸雲根
坼雷雨遠近紛駭矚屏息斂神魂遂得達厓澳意
謂盡傾危俄驚波閃倏水更打蓬高聲逾振林木
江河日以下誰挽滔滔速俯仰盡高深戒懼一時
足日暮月隨船又向巖邊宿閉殺采薇人抱影卧
空谷

閻壺關城懷胡端敏公治蹟

甘汝來

壺城明初建得名因形模麗江凡四折如環抱其

郭東西南三面阻江無他虞城北兩江口為陸為
通衢狼羆民剽悍草竊繁有徒守禦昔孤薄寇數
攘其帑相形審項腹茲當扼吭區僉謀設重關工
用多所需維時典郡者力訟空嗟吁平時所經營
矧惟私橐腴土酋苦徵索瞋目相睢盱教令輒違
忤莫可窮根株端敏胡公來握此專城符守官清
以介不隨流輩汚撫柔諸頑獷能使豚魚孚諸酋
樂為用生死惟所驅一方稍梗化衆力為鋤誅縛

其渠魁至公庭來獻俘檄下徵版築奔命來萬夫
不領國經費殫力爭供輸數旬崇墉就永絕諸覬
覦至今完以固屹然見雄圖由來吏治雜翻謂
術疎如公景行在後來宜步趨

七言古詩

弔平樂殉難吳都閻錫綬

田嘉登

將軍弱冠英聲起能武能文世莫比一戰遂看長
安花萬里折衝從此始生平魄力不猶人右屬橐

鞬左鞭弭丈夫立志輕封侯慷慨矢心并噭指金

吾宿衛法森森九重日侍

天顏喜闢中坐鎮靖烽烟砥定秦川及渭水嗣此度嶺入雷陽不減劉公萬戶倚時危豈復惜身家勍敵當之立披靡狀貌魁梧膽氣麤大呼殺賊破深壘運窮勢迫意不回一身殉國甘如此高雷方自訴歸兒平樂屍傳馬革裏不願生還八百人視死如歸誰為使將軍之意曰不然非此無從報

天子丹心直上逼雲霄千載如生形或死立威立節兩
無慚浩氣精忠光青史

三峯烟雨

王之驥

縹渺三峯拔地起蜿蜒磅礴幾千里南聯五嶺北
衡廬巨靈畫疆奠厥址簇簇芙蓉侵九霄日輪月
馭纏山腰鍾奇毓秀知何限竹箭丹砂與鳳毛我
家開戶當山面青眼相看兩不倦秋月春花互勸
酬襄人爽氣有餘善無端密雨雜烟來蠻壑溟濛

散劫灰失却三峯真面目軒牕秀色幾時開烟深
虎豹嘴其族雨集龍蛇競起陸匝地陰風草木腥
題詩誰向峯頭竹安得山靈謁九天肅將帝命揚
義鞭飛廉建旆相後先馳驟須臾遍九埏驅出千
山雨共烟三峯豁然流翠萬古妍

綠珠井

龐頽

綠羅有女質如璞採使投珠珠滿斛聲價一時重
洛陽風流當代推金谷風流聲價今如何斜日蒼

茫洛水波祇有玉樓清節在垂芳故井不銷磨
城中創立義學十七處延師教授余偶晨出聞誦
讀之聲盈耳喜而有作

陳元龍

始余入粵城寂不聞書聲今余巡粵城絃誦聲已
盈彷彿身遊鄒魯間不似灘江與桂山問云一十
七處之義塾童冠濟濟講讀無時閒文翁化蜀蜀
士盛常哀教閩閩俗正人材不擇地而生吾願爾
粵家家師孔孟

訾家洲

城東南隅雲水闊岸亂山堆一撮浮梁如虹轄
灘水順流而下悍難遏水中橫枕訾家洲劈劃江
波作兩流柳記尚傳竹木盛裝亭雖往烟霞留官
船估舶去不顧惟許僧漁來問渡名勝空藏城市
間叢祠鐘鼓斜陽暮我來選幽非好古欲令古事
今人知賓僚一葉頻載酒莫忘洲邊風月時

重修陡河天平石陡門告成閱視有作

興安河渠高下數百尺湘源一瀉無餘澤詎惟舟楫阻商旅直使耕耘旱阡陌唐時李渤垂大勞逆流橫截天平石築為陡門三十六導直為曲延水脈黃河之牴體製同灌溉有資艘舶通年深石圮水跋扈誰與蓄洩波流中修廢舉墜迺余責督率庀材鳩厥工工成樞舟閼新陡沿岸歡呼動童叟羣石齒齒白似牆一水盈盈綠於酒吁嗟此河楚粵之咽喉所利不止貽一州南接灘江北湘水中

隔此河居上頭不以陡門為啓閉譬人血脉奚周
流從此繕修望來哲人力以補天地缺

舟過鉗

王維淮

馭娘江勢疑游龍兩石屹立江心中如牙在口肆
吞嚥一線不合水流通天教蠻荒作險阻奇絕鬼
力兼神工洪濤百折急難逞奮怒激盪排高空轟
雷震撼響不歇欲倒地軸搖蒼穹輕舟獨木倏來
過氣憚魄動憂心忡爭鬪奪隘在呼吸一失便落

馮夷宮人生拌命只如此臨深有誠悲微躬推蓬
側望幸脫險獨苦瘴雨飄迴風插空巉崖疊千尺
對面削立雲蓬蓬鷗鴟喚道行不得萬里汗漫吾

安窮

奇蘭鋪

喬菜

宋代全州柳刺史綠坡亘嶺裁長松只今謾謾滿
道路陰如偃蓋柯如龍夾岸濤鳴白日冷隔溪雨
過蒼厓濃內有一松挺孤幹奇蘭徑丈生其中薈

蒨不讓土壤力芬芳惟須雨露工踰坂度壑香不
隔四時花染臙脂紅以蘭名鋪數百載昔有盜者
逢雷攻遂指枯松為佐驗土人競說真仙蹤我家
有蘭來蜀道懸之屋角當長風嶺南寄生桑與槲
茲蘭雖異將無同好巫信鬼越人俗慎勿以此驚
愚蒙

嶺南閨雨行

李紱

春秋魯史書不雨每時一書哀閨深今茲不雨甫

匝月皇皇雩禱非荒淫嶺南地薄鮮耕稼石田確
肇高山陰溪流奔瀉勢莫挽十日五日須甘霖况
乃比戶多竹屋檐楹焦裂聲如砧狂風怒號徹宵
旦攬摩出火愁金鑄旱乾水溢有專職節無不節
當誰諗豈敢攻社聊呼籲杲杲紅日鳴楓林安得
癡龍起桂海有司肸蠁神能歆豐穰一望慶百室
匪且有且今斯今

桂林喜雪和韻

李孝源

去年衝雪辭

輦轂西粵官程八千六火維南下信炎荒氣蒸
瘴連屋桂嶺劃界不同天天公雨雪勝雨玉飄揚
空有風鳴條淅瀝惟聞雨夏竹何年觀雪有高樓
比似無珠還買犢今年粵雪喜同看漫空不計斗
與斛銀鋪萬頃溝洫平玉立千山峰嶺巒獨憐臘
月下流澌擬共明朝看飛瀑短衣輕笠老漁翁垂
釣寒江猶瑟縮采風太史詩興豪筆底龍蛇爭壁

蹴四時皆夏雨成冬粵謗傳聞嶽麓

聖朝大化暨朔南率土同仁廓邊幅即今節候陳
王風莫貴任耳貴任目記取明都秩南訛永銷沴厲驅
炎熇

伏波銅鼓

李茹昊

吾聞伏波舟載駱越兩銅鼓飛鳴躍入八桂之江
湍後人遂以銅鼓名其灘風雨時時聞有鼓鼙之
聲江中謹明季漁人網絓不能舉呼集衆力出狂

瀾是日白石山人斫地亦得一不期而合兩皺同
時獻之官其一稍窳觀風樓上貯其一置澤宮輪
廓肉好製作工緻而堅完繫此千數百年化去之
神物夫豈無故仍團礪必有真宰默呵護兵火百
劫不得相摧殘我行經此重是古器思一見摩挲
斑斕剥蝕千痕瘢無何依然失去所當是夜半大
力者負之趨去如飛翰不然誰何等視鬱林石載
歸吳下矜詡為奇觀吁嗟遠物異物非所寶不貪

為寶無禍干君不見張雷寶劒不為用干將莫邪
終飛入水化作蛟龍蟠

遊立魚峯

金虞

花朝風日清且幽散髮偶作城南遊使君種柳舊
官渡一葉剪破春江流江光山色暖相映造次不
及停雙眸緣坡徑訪立魚處逝欲選勝窮冥搜山
靈愛客遽倒屣峩峩碧玉簪當頭同人指點向余
笑茲峯洵美魚則不初疑禪界涌孤塔漸歷海市

登危樓巖扉東啓納萬象水天一色相勾留入門
四壁皆綠淨亦有礎柱如雕鏤室西南隅窺奧窓
洞壑穿漏風颶颶滿頭鍾乳覩欲墮失足坎窓深
難求誰將巨手擘西嶂翕忽倒景青紅浮陰崖乍
恐奇鬼嚇靈境悅覲神仙傳芒屨各各鬪輕健西
東下上不復謀最後一洞須秉燭若瞰眢井縛必
修石鼓砰磧石船大豈無神物司干椒頗聞龍潭
更幽邃盍徃觀者山之陬潭陰冷浸太古石坐覺

凜冽思添裘魚峯反立碧潭下髡鬚鱗鬚爭螭蚪
乃識命名良有意向入魚腹空嘲啁風烟變化白
日遁眼前好景誰能酬歸舟更出城西路試把新
題謁柳州

出文昌門探白龍洞登南溪山劉仙巖

金志章

桂林山水天下無不數縣圃兼清都七星八桂競
奇秀林壑尤美西南殊森森萬戟插天起出郭嵐

靄紛相扶溪流入耳響環珮松風引路鳴笙竽山

迴石扇劃然啓中有神物蜿蜒趨雷霆白晝飛霹

靂瀉水下續聯聯珠俯視深黑不敢唾遂取微徑

來山隅亭臺縹渺在天半金碧如繪蓬瀛圖側聞

劉翁昔遺世棲神鍊液黃芽腴懸崖扶寸危未斷

欲墮不墮傳真符

崖有懸石凌空欲墮上下聯合僅寸許俗傳劉仙書符鎮之故

不一朝解化軼塵塈風蟬蛻骨良非誣壁間殘碣

留半影變化尚帶烟霞癯琪花粉馥滿衫袖巖瀑

灑落沾眉鬚階前長聚五色雀簷際時停三足鳥
御風憑虛遠到此豁達萬里迴清曠勝遊靈境不
易得大笑跳入仙人壺

銅柱

甘汝來

麗江炎荒之鎖鑰南控安南壤相錯距關一舍分
茅嶺漢家銅柱高峯粵伏波峻業何崢嶸英風萬
古震寥廓當日樓船下交趾疾埽狂童等殘籜二
徵授首傳京師九真革面復疆索郡縣其地中土

同螳臂安敢復張攬五季凌遲多故部領邪行
乃橫作宋元師征屢無功包荒無乃太孱弱蠻夷
犷悍本性習朝廷駕馭藉方畧將帥豈乏英雄姿
推轂無能專委託有明英公亦人傑功與伏波庶
相若中官繼鎮求珠犀紇袴握兵擁帷幕遂令封
豕肆狂噬内地旁州恣侵犯惜哉用武功不究議
祖捐之滿臺閣爵予世及用羈縻國威如斯亦稍

削

今代聖神御區寓六合以內併包絡况乃近地非遼絕
歲修貢職尤謹恪我來行部視邊徼義取諸豫嚴
關柝顧瞻前烈蹟未湮來者樹立當奮躍肯念平
生馬少游畏此毒氣薰蒸瘴鄉惡

弔卜氏墓

謝錫侯

君不見萬丈坡名荒烟蔓草裏氤氳縕縕悲風起此
地下藏節烈身苔封石閉無人指我聞驚嘆涕如
流憑弔徘徊去復止坏土重培標姓名後來歲月

從此始陸川香令飛雙鳬旌符竊發紛突豕乘城
守禦率鄉兵棄置針奩執鞭弭援絕孤窮勢難支
登樓墜樓貞自矢猶勝當時斷臂魂稜稜正氣垂
形史乃知宇宙殺身仁形體雖灰神不死大節獨
留卜氏墳愧為男子寧無恥

粵西諸蠻圖記歌為錢野堂作 陸 紸

周官分土治職方禹貢列服垂要荒連山峩峩抱
西南阻絕奧險稱蠻鄉狼狽狃獮種種不一厥

古不與華土同冠裳或言槃瓠始誕育鑿空蔑理
誠荒唐郎官水部今出守文采風流柳州柳三年
治譜盛流傳餘事雕蟲誇老手月輪新破碧蟾蜍
秋軒貽我卷紙書炎徼異聞掇梗概虞衡赤雅隨
分疏文辭入畫波折具生面特出形神舒列眉聚
米燉可數包括諸蠻誌風土或負山而巢居或緣
谿而龍戶歌連袂兮跳月浴同川兮畏暑刀耕火
種昧生事人棲獸畜猶爾汝弱之肉兮強之食貪

者如狼鬪如鼠吁嗟人生含陰抱陽秉則同曷為
居處服飾飲食男女多殊風鈎轔格磔言語不可
別混沌不犯鑒未通若政立辟難與齊顥蒙聖人
執天轡萬物如指臂患施靡勿遂治理在平易羈
縻要使義相屬隨勢利導與時異輶軒上採恢
廟謨知公點筆有深寄敘次瑣細言雅馴隸事十九存
其真方今

天子德光被南掌蘇祿重譯俱來賓何况百粵之蠻綿

亘墟落久內款沐浴

聖化無因循變革草昧移狉獉史家於後貴徵信耳濡
目染改觀聽直教頑習盡湔除始覺皇風動僕應
圖存或恐見者疑製作斐然此堪證裝玳瑁匣琉
璃塞羃剔莽披神奇少陵之筆玉溪詩我歌衰薄
難為辭

廣西通志卷一百二十五